



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 21. Verviniensis pacis articuli.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI. Blavetani portus, qui hodie Ludovicus
 A. C. 1598. portus dicitur, munimenta in Britannia
 solo æquare, ac præfidiarios inde revocare paratus sit: unice igitur de tempore, quo hæc effectui darentur, difficultas supererat, quam tamen Legatus sua prudentia feliciter superabat: cum autem Lullinius Marchio Sabaudicæ Ducis Orator Salutiarum Principatum restitui nollet, ac suum Principem non modo in hoc fœdere comprehendere, sed etiam diffidia, quæ cum Gallis habebat, summi Pontificis arbitrio relinquere peteret, Legatus Pontificius sua dexteritate, prudentia, ac moderatione rem apud Franciæ Regem eo redegit, ut salvis Sabaudi, Regisque juribus tota lis componeretur, sublatisque omnibus obstaculis inter ambos Reges pax prospero successu constitueretur: unde mox pacis conditiones ab Oratoribus subscriptæ die secunda Maji Cardinali Legato tradebantur, ea tamen lege, ut illas nemini usque ad hujus mensis exitum manifestaret, nisi Principes illas citius promulgari desideraverint: quocirca hæc pax ante mensem Julium non fuit promulgata.

§. XXI.

Verviniensis pacis articuli.

Porro

Porro hæc pax inter Franciæ, & His- Sæcul XVI.
 panix Reges inita triginta septem A.C.1598.
 complectebatur articulos, quorum præ- Harræus l.c.
 cipui erant sequentes: I. Pax stabilis, p. 537.
 & sincera ineatur juxta conditiones pa-
 ctionis Cameracensis inter Hispaniæ Re-
 gem, & Henricum II. anno millesimo
 quingentesimo quinquagesimo nono ini-
 tæ, atque adversis utrinque pactis, aut
 foederibus nuntium mittatur, II. Li- Spond.n.5.
 ber sit cujuslibet Regis subditis commer-
 cii, terra, marique usus, salvaque omnia
 privilegia, atque immunitates. III,
 Subditi, qui alterutram partem secuti
 sunt, in bonorum, & locorum suorum
 possessionem restituantur. IV. Rex Ca-
 tholicus Caletum, Hardæam, Hullini-
 montem, Dorlanium, Capellam, Castel-
 lum in Veromanduis illa quidem loca
 sine dilatione, Blavetum autem in Bri-
 tannia intra duos menses, Gallis resti-
 tuat, atque ob id sex obsides det: Rex
 quoque Gallus Caroloregiensem principa-
 tum, & siquæ alia sunt ab eodem Rege
 Christianissimo, aut a suis ab anno millesi-
 mo quingentesimo quinquagesimo nono
 occupata, bona fide itidem restituat. V.
 Bello capti, & adhuc utrimque detenti
 expensis, & legitimis debitis rite perso-
 lutis sine lytro liberentur, nisi de solven-
 do libertatis pretio aliter convenerint:
 quod si quis modum excedi quereretur,
 Prin-

Sæcul. XVI.
A.C. 1598.

Princeps regionis, ubi captivus detinetur, rem moderabitur. VI. Christianissimo Regi Franciæ, & Navarræ, eique hæredibus, & actionem habentibus reserventur quævis jura, actiones, prætenfiones, quibus nec per ipsum, nec per Majores ejus diversis verbis renuntiatum est, ut de iis vel amica compositione, vel juris via, non autem armis agere possit. VII. Quemadmodum etiam Regi Hispaniarum, & Infanti Serenissimæ Filiæ ejus natu majori, eorumque hæredibus, aut actionem habentibus jura omnia, actiones, & prætenfiones quibus nec Rex, nec Majores ejus expresse renuntiarunt, reserventur, ut de iis pariter sine armis contendere possint. VIII. Dux Sabaudix in hac pactione comprehendatur, qui ut suum desiderium testetur de satisfaciendo regiæ voluntati, oppidum cum castro Berrenfina tra bimestre a die hujus pactionis computandum suæ Majestati, vel ejus Deputato restituet sub conditionibus, & restrictionibus iisdem, quibus alia loca restituenda fuere decreta. IX. De aliis inter Regem Christianissimum, & Sabaudix Ducem controversiis prædicti Legati consentiunt, & conveniunt, ut illæ ad Pontificis Clementis VIII. arbitrium deferantur, ac per eum componantur, & decidantur intra annum a die pactionis

Sæcul. XVI.
A.C.1598.

pactionis, juxta regium rescriptum pridie nonas Junii ea de re datum. X. Dux Sabaudiaë cum suis Provinciis, civitatibus, & subditis neutrarum partium Princeps fit, Regis tamen utriusque amicus. XI. Similiter ex pacto, & consensu communi in hac pactione, si visum ipsis fuerit, comprehendantur summus Pontifex. & sancta Sedes Apostolica, Romanorum Imperator, Ordines Imperii, S. R. I, Electores &c. XII. Includantur etiam in præfatis concordiaë pactis universi, qui communi Regum consensu nominatim inferentur: si modo post semestrem a die pacis promulgatæ nomina sua per literas profiteantur, & consuetas hoc casu obligationes tradant.

Ceterum in hisce articulis nulla de Anglis, & Batavis mentio facta est, eoquod hi in hoc fœdere comprehendere renuerent: nihilominus eadem pax die septima Junii in Belgio, ac duodecima ejusdem mensis Lutetiaë Parisiorum cum ingenti omnium lætitia fuit promulgata, ubi etiam vigesima prima Junii die in Ecclesia Cathedrali a Cardinali Legato sacrum solemne celebrabatur, & recitatis a Villa-Regio articulis ipsemet Rex in manibus ejusdem Cardinalis præsentibus Archiducis Oratoribus jurejurando se obstringebat, quod hæc pacta integra fide servare velit. Eadem

Hist. Eccles. Tom. LII.

X dem

Sæcul. XVI. dem quoque promulgatio Bruxellis Alberti Archiducis jussu die vigesima quarta Junii adstantibus Bironio Marefchallo Belleverio, & Silerio Franciæ Regi oratoribus facta est. Denique Philippus Hispaniæ Rex duodecima Julii, & Sabaudia Dux die secunda Augusti his pactis subscribere: postea vero Cardinalis Medicæus Papæ Legatus rebus adeo feliciter, prudenterque gestis plenus meritis, ac laudibus in Italiam reversus est.

§. XXII.

Pax inter Franciæ Regem, & Florentiæ Ducem conclusa.

Daniel Hist. de France to. 10. p. 231.

Jam post Henrici II. obitum Ferdinandus Magnus Etruriæ Dux a Balleto Sphixæ Insulæ, urbisque Gubernatore sollicitabatur, ut tam contra Hispanos, quam hæreticos suppetias mittere, ac præfatam insulam pro futuro Franciæ Rege tueri, atque asservare vellet, verum Dux Gallicos tumultus in rem suam versurus, hunc locum unacum Pomeguana arce sibi vendicabat, captisque repentina vi quibusdam urbibus in Provincia adversus Henricum IV. clandestina fovebat consilia, quapropter Rex Ducem iterato ad harum urbium restitutionem sollicitabat: cum vero vicissim Dux pecunias Regi mutuodatas re-